



## + Info

Área de Igualdade - CIM  
Praza de Ravella, 1 - baixo  
muller@vilagarcia.gal  
www.vilagarcia.gal

Todos os 8 de marzo,  
Día Internacional da Muller,  
vimos desenvolvendo  
diferentes actividades  
de concienciación  
e sensibilización no eido  
da igualdade de xénero.

O Maratón fotográfico  
é unha destas actividades.

A fotografía poder ser  
un instrumento de reflexión  
sobre as desigualdades  
de xénero por iso,  
esta actividade, pretende  
a través da observación  
e a creatividade, favorecer  
a visibilización destas  
desigualdades e provocar  
cambios de actitude en toda  
a sociedade.

Para que estes cambios  
se produzcan é necesaria  
a implicación de toda  
a cidadanía por iso dende  
a Área de Igualdade- CIM  
invitamos a participar  
a todas aquellas persoas  
que disfruten coa fotografía  
e que queiran fazer  
a súa aportación  
a dito cambio.

**8M**  
DÍA INTERNACIONAL  
DA MULLER



# BASES MARATÓN FOTOGRÁFICO

A IGUALDADE DE XÉNERO EN RELACIÓN AO MUNDO DO TRABALLO



SÁB 7 MARZO'20  
[10.30-19.00H]

Saída:  
Ás 10.30h dende o Auditorio.  
Prazo de inscrición:  
Ata o 4 de marzo de 2020.

## **REQUISITOS DOS PARTICIPANTES:**

Ser afeccionado á fotografía. Non poderán participar profesionais.

## **TEMÁTICA:**

### **A IGUALDADE DE XÉNERO.**

Este tema concretarase en tres propostas, que se entregarán ao inicio do Maratón.

## **INSCRICIÓN:**

A inscrición realizarase por medio de solicitude, persoalmente na ÁREA de Igualdade-CIM, ubicada na planta baixa da Casa do Concello, ou enviando por correo electrónico a [muller@vilagarcia.gal](mailto:muller@vilagarcia.gal) a folla, que estará dispoñible no portal municipal, [www.vilagarcia.gal](http://www.vilagarcia.gal) e na sede electrónica [sede.vilagarcia.gal](http://sede.vilagarcia.gal). O prazo de inscrición comezará o día de publicacións destas bases e estará aberto ata o 4 de marzo.

## **COMO PARTICIPAR:**

As fotos entregaránse en arquivo JPEG. Poderán ser en color e/ou en branco e negro. O tamaño mínimo de 20x30 cm. Non poderán incluir bordos, marcas de auga, sinaturas ou elementos similares. Permiteuse o uso de axustes dixitais mínimos (luminosidade, contraste, ton, enfoque, balance de brancos). Non se poderán engadir ou eliminar elementos que modifiquen a composición orixinal. A organización reservarase a posibilidade de esixir a presentación do arquivo orixinal (raw, tiff, jpg...) para comprobar a edición da fotografía presentada a concurso. É responsabilidade das persoas concursantes que non existan dereitos de terceiros sobre as obras presentadas. Ao remate do maratón, entregárselle a cada participante un soporte dixital onde gardarán as fotos a concurso, para o que se lles facilitará o acceso aos ordenadores. Logo disto, o soporte será introducido por cada participante nun sobre pechado no que deberá figurar o número de identificación que lle foi asignado ao comezo do Maratón.

## **NORMAS E DESENVOLVEMENTO DA MARATÓN:**

**SAÍDA:** Ás 10,30 horas do sábado 7 de marzo dende o Auditorio Municipal. Neste momento elixiranse os tres temas obxecto das fotografías entre varios sobreos pechados con distintas propostas e faráselle entrega a cada participante do seu número de identificación, que deberá conservar en todo momento. Ás 14.00 horas deberán presentarse nun control, que será na Casa da Cultura de Vilaxoan.

**TEMAS E CONTROIS:** As fotografías terán que tratar sobre as tres propostas elixidas, enmarcadas todas no tema da igualdade de xénero. Todas as fotografías deberánse realizar nos límites xeográficos do Concello de Vilagarcía durante toda a Maratón. As persoas participantes terán que pasar os controis nos lugares e horas sinalados pola organización, quedando descualificados aqueles que non pasen polos mesmos no horario definido.

**RECOLLIDA DAS FOTOS E FINAL DO MARATÓN:** As persoas participantes deberán acudir ao derradeiro control, no Auditorio Municipal, entre as 18,30 e 19,00 horas, onde poderán proceder á descarga das fotos ao soporte dixital que lles será facilitado pola organización.

## **PREMIOS:**

Haberá tres premios, un por cada un dos temas propostos e terán unha contía individual de 200,00 euros. Aos mesmos se lles aplicará a lexislación vixente respecto das retencións fiscais.

## **XURADO:**

Será o encargado de seleccionar e valorar as fotografías presentadas. Estará composto por: Presidenta: Concelleira de Política de Igualdade, Tania García Sanmartín; Vocais: tres persoas relacionadas co mundo da fotografía, da imaxe, medios de comunicación... e unha do Consello Local da Muller; Secretaria/o: persoal técnico, con voz pero sen voto, encargado de levantar a acta da deliberación do premio.

A decisión do xurado será inapelable.

## **ENTREGA DE PREMIOS E EXPOSICIÓN:**

O veredicto do xurado e a entrega de premios terá lugar no Auditorio de Vilagarcía o día 27 de marzo, día no que se inaugurará a exposición coas fotografías premiadas e mailas seleccionadas polo xurado polo seu interese e creatividade.

## **NORMAS DO MARATÓN:**

Poderán participar todas as persoas previamente inscritas na ÁREA de Igualdade segundo as normas destas bases. Deberán acreditar a súa identidade no control de saída do Maratón co seu DNI, ou documento oficial equivalente. As obras presentadas quedarán en propiedade do Concello de Vilagarcía. O/A autor/a das fotografías conservará a súa propiedade intelectual, aínda que cederá en exclusiva e irrevogablemente os dereitos de reproducción para a súa exposición, publicación ou calquera modalidade que o Concello considere oportuna relacionada cos obxectivos do Maratón.

Serán descualificadas aquelas persoas que non acudan aos controis no tramo horario determinado para cada un deles, así como as que incumpran algunha das normas reflectidas nestas bases.

Durante o transcurso do Maratón, haberá un comité organizador facultado para resolver as dúbihdas ou circunstancias especiais que puideran xurdir, así como para a interpretación destas bases. A súa decisión terá carácter definitivo.

A participación no Maratón supón a plena aceptación destas bases.

## **Aclaración de dúbihdas: ÁREA de Igualdade - CIM**

T 986 099 200 ext. 102/109. Horario: 08.00-15.00h

Praza de Ravella, nº1, 36600 - Vilagarcía de Arousa - Pontevedra  
[muller@vilagarcia.gal](mailto:muller@vilagarcia.gal)